

PUBLICACIÓN RESOLUCIÓN TABOLEIRO DE ANUNCIOS DO CONCELLO DE CARBALLO

Ponse en coñecemento dos posibles interesados que a Alcaldía/Presidencia desta Entidade Local, en data 16-08-2023, ditou a resolución con número 2232/2023 que deseguido se transcribe:

RESOLUCIÓN

Aprobación da listaxe de persoas candidatas para a provisión temporal de persoal graduado/a en enfermería para a unidade de condutas aditivas (UCA).

Antecedentes.

Primeiro.- Por Resolución de Alcaldía núm. 1077/2023 de data 21 de abril de 2023, aprobáronse as Bases e convocatoria do proceso selectivo para a formación dunha listaxe de persoas candidatas para a provisión temporal de persoal graduado/a en enfermería para a unidade de condutas aditivas (UCA) do concello de Carballo. A dita convocatoria foi publicada no BOP núm. 80 de 27/04/2023.

Segundo.- Por Resolución da Alcaldía núm. 1655/2023 de data 23 de xuño de 2023, aprobouse a listaxe definitiva de aspirantes admitidos e excluídos no devandito proceso, e procedeu á designación do tribunal cualificador e á fixación da data de celebración do concurso de méritos, que tivo lugar o día 28/06/2023.

Terceiro.- Con data 28 de xuño de 2023, reunido o Tribunal cualificador do proceso selectivo, na súa Acta núm. 1 e última, eleva a definitivos os resultados da baremación de méritos, determinando a cualificación final dos aspirantes, por orde de puntuación total.

Con data 29 de xuño de 2023 publicouse, no Taboleiro de anuncios da corporación e na páxina web municipal (www.carballo.gal) a cualificación final dos aspirantes por orde de puntuación total (que comprende a táboa que se transcribe deseguido).

Nº	APELIDOS	NOME	GALEGO	CONCURSO
1	COLFERAI DIAZ	DINA	APTA	35
2	BELLO LORENZO	PATRICIA	EXENTA	20,2

Á vista das actuacións anteriores e de acordo coas atribucións que confire á Alcaldía o art. 21 da Lei 7/1985 de 2 de abril, reguladora das Bases de Réxime Local, pola presente,

RESOLVO:

Primeiro.- Aprobar a creación dunha listaxe de persoas candidatas para a provisión temporal de persoal graduado/a en enfermería para a unidade de condutas aditivas (UCA) segundo a proposta do Órgano de Selección deste proceso selectivo.

Integrarán a mencionada lista de substitucións os/as aspirantes incluídos/as na proposta de listaxe de substitucións elevada polo Tribunal a esta Alcaldía, segundo a Acta núm. 1 e final do 28 de xuño de 2023 (Base 7.3 da convocatoria).

Listaxe de substitucións para a provisión temporal de persoal graduado/a en enfermería para a unidade de condutas aditivas (UCA) do concello de Carballo.

Nº	APELIDOS	NOME	GALEGO	CONCURSO
1	COLFERAI DIAZ	DINA	APTA	35
2	BELLO LORENZO	PATRICIA	EXENTA	20,2

Segundo.- A referida listaxe terá carácter rotatorio e rexerá polo previsto na Base 8ª das bases reguladoras desta convocatoria aprobada por Resolución da Alcaldía núm. 1077/2023 de data 21 de abril de 2023, (BOP núm. 80 de 27/04/2023) que establece o seguinte:

“OITAVA.- XESTIÓN DA LISTAXE DE SUBSTITUCIÓN.

8.1.- Desenvolvemento dos chamamentos.

A contratación dos/as aspirantes efectuarase atendendo á súa clasificación na bolsa de traballo, por orde decrecente de puntuación.

Chegado o caso de necesidade de substitucións, formalizarase contrato segundo a modalidade adecuada ás causas/circunstancias que motiven a dita o contratación, consonte ao disposto ao efecto na normativa aplicable vixente á data da contratación.

Respectarase o sistema rotatorio de chamamento de compoñentes da listaxe, por orde de puntuación dos aspirantes que se rexerá polas regras seguintes:

- Os/as integrantes da listaxe non perderán a orde de prelación que en cada momento lles corresponda nestas ate que acaden doce meses de traballo, de tal xeito que se a contratación/nomeamento para a que son chamados/as ten unha duración inferior retornarán ao posto que novamente lles corresponda na listaxe.*
- Cando un/ha compoñente da listaxe acade 12 meses de traballo permanecerá outros 12 meses en expectativa de volver a ser chamado, coa finalidade de garantir o sistema rotativo e a igualdade de oportunidades para todos os alistados.*

Os chamamentos realizaranse por vía telefónica efectuándose, como mínimo, dúas chamadas, entre as 8.00 horas e as 15.00 horas.

Coa finalidade de posibilitar a mellor tramitación do procedemento e a correcta localización das persoas candidatas, estas están obrigadas a comunicar por escrito calquera variación dos seus datos de contacto,

O/a empregado/a público/a que efectúe as chamadas fará constar mediante dilixencia a disposición do interesado a cubrir temporalmente a praza que corresponda. De non atender as chamadas, entenderase que o aspirante desiste de cubrir a praza.

Os/as aspirantes que sendo requiridos para a súa contratación renuncien dúas veces seguidas ou non poidan ser chamados por causa non imputable á Administración, pasarán a ocupar a derradeira posición na bolsa de traballo para os efectos de novos nomeamentos. O mesmo proceso aplicarase a aquelas persoas que renuncien o desempeño do seu posto de traballo unha vez iniciada a prestación.

8.2- Causas de exclusión/ rexeitamento xustificadas.

Serán causas/situacións de rexeitamento xustificadas as seguintes:

- Concurrencia de parto, permiso por nacemento, adopción ou acollemento, permiso de paternidade, risco durante o embarazo, risco durante o período de lactación natural e/ou situacións asimilables.*
- Estar en situación de incapacidade temporal transitoria por continxencias comúns ou profesionais, acreditado co correspondente parte médico de baixa.*
- Estar en situación de servizo activo en calquera Administración Pública ou entidade integrante do sector público, ou ter sido seleccionado/nomeado e atoparse en prazo de toma de posesión ou contratación para acadar a dita situación.*
- Estar nalgunha das situacións de servizos especiais contemplada pola normativa de aplicación.*
- Ter vixente un contrato de traballo cunha empresa/entidade privada, ou exercer como autónomo.*
- Ter que coidar e/ou estar ao cargo dun familiar de ata segundo grao, cando este, por razóns de idade, accidente ou enfermidade non puidera valer por si mesmo e non desenvolva unha actividade retribuída; ou situacións asimilables enmarcadas dentro do exercicio da conciliación laboral e familiar”.*

Terceiro.- Publíquese a presente Resolución no Taboleiro de anuncios do Concello a efectos de notificación e presentación de alegacións ou recursos.

CONCELLO DE CARBALLO

C.I.F.: P1501900C
Praza do Concello S/N
Teléfono 981 70 41 00
www.carballo.gal
infocarballo@carballo.gal
15100 CARBALLO - A Coruña



2022/E001/000026
Exp. 2023/G003/002307

Contra a presente resolución, que pon fin á vía administrativa, poderase interpoñer **recurso contencioso-administrativo** ante o Xulgado Contencioso Administrativo da Coruña, no prazo de dous meses (contados dende o día seguinte ao da publicación da listaxe no taboleiro de anuncios do concello de Carballo).

Con carácter potestativo e previo, poderá interpoñer **recurso de reposición** ante o alcalde do concello de Carballo, no prazo dun mes (contado dende ao día seguinte ao da publicación da listaxe no taboleiro de anuncios do concello de Carballo). Neste caso non se poderá interpoñer o recurso contencioso -administrativo ata que se resolva expresamente ou produza efectos a desestimación por silencio administrativo do recurso de reposición.

Todo iso sen prexuízo de que poida exercitar calquera outro que considere procedente.

En Carballo, documento asinado dixitalmente na data indicada á marxe.

Alcalde

Evencio Ferrero Rodríguez

Secretario

María Lorena Rey Paulos

Esta publicación serve como notificación aos posibles interesados, en cumprimento do establecido no artigo 40 da Lei 39/2015, do 1 de outubro, do procedemento administrativo común das administracións públicas e de conformidade co establecido no artigo 194 do RD 2568/86, do 28 de novembro, polo que se aproba o regulamento de organización, funcionamento e réxime xurídico das entidades locais.

Documento asinado dixitalmente na data que figura ao marxe.

Secretario

María Lorena Rey Paulos